

PN141 - HYSBYSIAD PREIFATRWYDD Bwrdd Partneriaeth Rhanbarthol Gwent

Mae Cyngor Bwrdeistref Sirol Torfaen yn ymrwmo i amddiffyn eich preifatrwydd pan fyddwch yn defnyddio ein gwasanaethau. Bwriad yr Hysbysiad Preifatrwydd hwn yw rhoi gwybodaeth i chi am y data rydym yn ei gadw amdanoch, sut rydym yn ei ddefnyddio, eich hawliau mewn perthynas â hynny a'r rhagofalon sy'n bodoli i'w amddiffyn.

Maes Gwasanaeth CBST:	Oedolion a Chymunedau
Maes gwaith:	Tîm Partneriaeth Rhanbarthol Gwent
Manylion Cyswllt	gwentregionalpartnershipboard@torfaen.gov.uk
Enw Hysbysiad Preifatrwydd:	Gwefan Bwrdd Partneriaeth Rhanbarthol (BPRh) Gwent

Rheolwr Data:

Cyngor Bwrdeistref Sirol Torfaen
d/o Y Ganolfan Ddinesig
Pont-y-pŵl
NP4 6YB

Os hoffech chi fynegi pryder ynglŷn â thrin eich data personol, cysylltwch â'r **Swyddog Diogelu Data** gan ddefnyddio'r manylion isod:

01495 762200
dpa@torfaen.gov.uk

Fel nodir yn Rheoliadau Trefniadau Partneriaeth (Cymru) 2015, mae gofyn i awdurdodau lleol a byrddau iechyd lleol sefydlu Byrddau Partneriaeth Rhanbarthol (BPRh) i reoli a datblygu gwasanaethau er mwyn sicrhau gwaith cynllunio a phartneriaeth strategol. Mae BPRh Gwent yn gweithredu ar draws y 5 Awdurdod Lleol (Torfaen, Blaenau Gwent, Caerffili, Casnewydd a Sir Fynwy) i sicrhau gwasanaethau effeithiol a gofal a chefnogaeth i ddiwallu anghenion y boblogaeth yn y ffordd orau. Mae gwefan y BPRh yn darparu rhan ar-lein i'r gymuned gael gwybodaeth am BPRh Gwent, gwybod y diweddaraf am ei waith, cymryd rhan mewn ymgynghoriadau a chysylltu gyda chwestiynau ac ymholiadau.

1) Pwy sy'n darparu eich data i'r Cyngor?

Mae'r wybodaeth bersonol rydyn ni'n ei phrosesu yn cael ei darparu i ni'n uniongyrchol gennych chi. Er mwyn ateb unrhyw gwestiynau neu ymholiadau bydd angen eich gwybodaeth bersonol arnom ni a byddwn yn trosglwyddo hyn at yr awdurdod lleol a'r maes gwasanaeth perthnasol. Os ydych chi wedi cysylltu â ni i roi barn ar unrhyw ymgynghoriadau, byddwn yn nodi eich

sylwadau a'ch adborth ac efallai byddwn yn gofyn i chi ym mha ardal o Went yr ydych yn byw. Ni fyddwn serch hynny'n defnyddio unrhyw ran o'ch gwybodaeth bersonol yn ein hadroddiadau.

2) Sut mae'r Cyngor yn casglu'r wybodaeth hon:

- Ffurflenni electronig, ffurflenni ar-lein, a ffurflenni papur ar gais (gan gynnwys arolygon)
- Galwadau ffôn
- Galwadau fideo
- E-byst
- Y Cyfryngau Cymdeithasol
- Fideo-gynadleddau / gyfarfodydd (gan gynnwys thrawsgrifio os ydynt yn cael eu defnyddio at ddiben cymryd cofnodion)

3) Pa wybodaeth mae'r Cyngor yn ei chasglu amdanoch chi?

Mae Bwrdd Partneriaeth Rhanbarthol Gwent yn casglu:

- Enw, cyfeiriad, rhif ffôn, cyfeiriad e-bost
- Dyddiad geni
- Unrhyw wybodaeth mewn ymholiadau/atebion a roddir gennych chi

4) Pam fod y Cyngor yn prosesu eich data personol?

O dan Erthygl 6 o Reoliad Diogelu Data Cyffredinol y DU (GDPR), y seiliau cyfreithlon rydym yn dibynnu arnynt ar gyfer prosesu'r wybodaeth hon yw:

(e) Rydyn ni ei hangen i gyflawni tasg gyhoeddus.

5) Categoriâu Arbennig o ddata personol:

Nid ydym yn gofyn i chi ddarparu unrhyw ddata categori arbennig na data troseddol, serch hynny, efallai caiff hwn ei gasglu os byddech yn dewis ei gynnwys mewn unrhyw ohebiaeth gyda ni e.e. Gwybodaeth yn ymwneud ag iechyd.

6) Pwy sydd yn cael defnyddio'ch data?

Bydd eich data'n cael ei rannu'n fewnol yn unig gyda'r staff priodol lle mae'n angenrheidiol ar gyfer perfformiad eu rolau.

Efallai y bydd eich data hefyd yn cael ei rannu'n allanol gyda sefydliadau at ddibenion nodi person(au) addas i ymateb i'ch cwestiynau neu'ch ymholiadau. Mae'r Sefydliadau yma'n Rheolwyr Data yn eu rhinwedd eu hunain a bydd y

ffordd y maen nhw'n prosesu eich gwybodaeth yn eu Hysbysiadau Preifatrwydd eu hunain.

Gallai'r rhain gynnwys, ond heb fod yn gyfyngedig i:

- Cyngor Bwrdeistref Sirol Torfaen
- Cyngor Bwrdeistref Sirol Caerffili
- Cyngor Sir Fynwy
- Cyngor Dinas Casnewydd
- Cyngor Bwrdeistref Sirol Blaenau Gwent
- Darparwyr gofal a gomisiynir gan awdurdodau lleol Gwent.
- Sefydliadau trydydd sector sy'n darparu gwasanaethau gofal a gwirfoddol
- Bwrdd Iechyd Prifysgol Aneurin Bevan

Efallai bydd gwybodaeth ystadegol ddienw'n cael ei rhannu gyda Llywodraeth i benderfynu ar lwyddiant prosiect, ond ni fydd hyn yn datgelu manylion unigolyn.

Ar wahân i'r hyn a nodwyd yn flaenorol, nid ydym yn trosglwyddo eich manylion i drydydd partïon oni bai bod gofynion cyfreithlon i wneud hynny.

Ydy'r Data'n cael ei drosglwyddo y tu allan i'r DU?

Na

7) Sut mae'r Cyngor yn cadw eich data'n ddiogel?

Mae gan y Cyngor bolisiâu mewnol ar waith i sicrhau nad yw'r data y mae'n ei brosesu'n cael ei golli, ei ddinistrio, ei gamddefnyddio na'i ddatgelu'n ddamweiniol. Cyfyngir ar fynediad i'r data hwn yn unol â pholisiâu mewnol y Cyngor ac yn unol â GDPR y DU.

Bydd data'n cael ei storio'n ddiogel mewn:

- Storfa electronig mewn gyriant rhwydwaith diogel

Pan fo'r Cyngor yn cyflogi trydydd partïon i brosesu data personol ar ei ran, maen nhw'n gwneud hynny ar sail cyfarwyddiadau ysgrifenedig. Mae gan y trydydd partïon yma ddyletswydd cyfrinachedd hefyd ac mae'n rhaid iddyn nhw weithredu mesurau priodol i sicrhau diogelwch data.

8) Am ba mor hir mae'r Cyngor yn cadw eich data?

Dim ond am y cyfnod sy'n angenrheidiol y bydd y Cyngor yn cadw eich data personol a bydd yn dilyn safonau sefydliadol a safonau'r Awdurdod Lleol yn y maes hwn. Ar ddiwedd y cyfnod cadw bydd y Cyngor yn dinistrio neu'n gwaredu'r data yn ddiogel yn unol ag amserlenni cadw.

9) Ydyn ni'n gwneud penderfyniadau awtomataidd/yn proffilio gyda'ch data?

Na

Eich hawliau

Mae gennych nifer o hawliau y gallwch eu harfer:

- Mynediad - cael copi o'ch data ar gais
- Cywiriad - mynnu bod y Cyngor yn newid data anghywir neu anghyflawn
- Gwrthwynebu, Cyfyngu neu Ddileu - mewn rhai amgylchiadau penodol gallwch ofyn i'r Cyngor ddileu neu beidio â phrosesu eich data, er enghraifft os nad yw'r data bellach yn angenrheidiol at ddibenion prosesu
- Hygludedd data – cael derbyn a/neu drosglwyddo data a roddwyd i'r Cyngor i sefydliadau eraill (mae hyn yn berthnasol mewn amgylchiadau cyfyngedig)
- Tynnu'ch caniatâd yn ôl ar unrhyw adeg (ble rhoddwyd caniatâd)
- Gwybod canlyniadau eich bod yn methu â darparu data i'r Cyngor
- Gwybod am fodolaeth unrhyw benderfyniadau awtomataidd, gan gynnwys proffilio a goblygiadau hyn i chi.
- Hawl i gyflwyno cwyn i awdurdod goruchwylio (Swyddfa'r Comisiynydd Gwybodaeth)

Os hoffech arfer unrhyw un o'r hawliau yma, cysylltwch os gwelwch yn dda â: Bwrdd Partneriaeth Rhanbarthol Gwent trwy unrhyw un o'r canlynol:

<https://www.gwentrbp.wales/contact-us>
gwentregionalpartnershipboard@torfaen.gov.uk

Y Tîm Partneriaeth Rhanbarthol, Cyngor Bwrdeistref Sirol Torfaen, Y Ganolfan Ddinesig, Hanbury Road, Pont-y-pŵl, NP4 6YB, 01495 761691

Gellir cysylltu â'r Comisiynydd Gwybodaeth yn: Swyddfa'r Comisiynydd Gwybodaeth (Cymru), 2^{il} Lawr, Tŷ Churchill, Ffordd Churchill, Caerdydd CF10 2HH, Ffôn 0330 414 6421 neu e-bost at Wales@ico.org.uk.

